



kat.komp

40147

I

Mag. St. VI

P

~~Fest 3210~~

Universalium S. R. M. Poloniarum et Sveciarum  
ad Dissidentes ab Ecclesia catholica Ro-  
mana de ea fidelis transcriptio.  
1644.



U  
Sa

III

A

I

I



**UNIVERSALIUM**  
**Sacræ Regiæ Majestatis Poloniæ &**  
**Sveciæ &c. ad Dissidentes ab Ecclesia**  
**Catholica Romana:**

&

**LITERARUM**

**Illustrissimi ac Reverendissimi DN. ARCHI-**  
**EPISCOPI Gnesnensis Regni Primatis &c.**  
**ad Eosdem**

**Tum**

**Ad Universales S.R. Majestatis Deputatorum**  
**ab Ecclesijs Regni & M. D. Lutheran. Evangelicis,**  
**Oræ congregatorum Supplicis**

**LIBELLI**

**ac**

**Eorundem ad literas Illustrissimi &c. DN.**  
**ARCHIEPISCOPI Responsionis,**

**Ex**

**ORIGINALIBUS**

**FIDELIS TRANSCRIPTIO.**

---

**ANNO M. DC. XLIV.**



UNIVERSALITUM  
Sacre Regie Majestatis Polonice &  
Ecclesie

Canonicis

Illustri ac Reverendissimo D. ARCHIEPISCOPO  
LITHVANIAE

et D. DEPUTATO  
LITHVANIAE

47104

Regie Majestatis  
LITHVANIAE

Illustri ac Reverendissimo D. ARCHIEPISCOPO  
LITHVANIAE

Formidendi ad litteras  
ARCHIEPISCOPI

CRISTIO

FIDELIS TRA

ANNO MDCCXXIX



VLADISLAVS IV.  
DEI GRATIA  
REX POLONIÆ, MAGNVS  
DUX LITHUANIÆ, RUSSIÆ, PRUSSIÆ,  
SAMOGITIÆ, MASOVIÆ, LIVONIÆ, SE-  
VERIENSI, SMOLENSCENSI,  
CZERNIHOVIENSI.

*Nec non*  
SVECORUM, GOTTHORUM, VANDALO-  
RUMQVE HÆREDITARIUS  
REX.

*Universis & Singulis Regni Nostri, & M. D. Lithuaniae*

*& Provinciarum Eius adnexarum Incolis, ab Ecclesiâ Catholicâ*

*Romanâ Dissidentibus, Gratiâ Nostram &c.*

Illustres, Magnifici, Generosi, Nobiles, Spectabiles &  
Ernditi Viri, Sincerè, Fideliter Nobis Dilecti.

**N**imis vacuum à curarum humanarum  
& plus quam securum Sui esse oporteat, qui Ma-  
gnum hunc mundi circum habens sub oculis, in  
quo Nationum vires & odia funestum à tot lustris certamen  
agunt, jamque in extremâ poenæ arenâ conflictantur, non  
stupeat, non quærat, quo merito, quouè præmio, tantum  
irarum conceptum, & fuscum sanguinis, & tantum opum ex-  
haustum est? Vacillant revulsi Europæ cardines, & ægrè  
criminum poenarumque sustinent pondus, colliduntur inter  
se Regna, & fatales ictus ingeminant, ardent Provinciæ, fu-  
mât campi, prostrata & exangvia Civitatum jacent cadave-  
ra, su-



ra, superstesque & cladis suæ artifex Orbis miratur, aut extra se quidquam esse, pro quo depugnet, aut intra se, quod nondum tantâ cæde possit conficere. Magnis certè malis ingentes subesse causas necesse est, quarum alta origo, non tantùm in veritate temporum, sed in judicantiũ etiam manet affectu. Nos autem ita judicamus, jure meritò illos pulsari, & bellorum tumultu illos concuti, laxataque velut compage turbam calamitatum admittere, qui Præsidium & Condimentum vitæ, felicitatisque Nutricem, Pacem & Unitatem neglexerunt, ut non propriam tantum criminum expient labem, sed illorum quoque poenas luant, in quorum erroris, si non conscientia, certè hæreditatem successerunt. Quam primùm igitur, Fatis per libera Utriusque Gentis suffragia, ita volentibus, Amplissimi hujus Regni Sceptra suscepimus, dignissimam Majestate Nostrâ & spe Populorum curam cogitationemque duximus, ut Pacis fructibus, Subditotum Nostrorum desideria reficeremus. Eo nimirum fine, arduis periculis Caput obicimus, ornamentisque Patriæ sudorem Nostrum impendimus, & postquam, (conatus Nostris Divinâ promovente clementiâ) armorum Nostrorum justitia, latè Septentrionem perdomuit, ab Oriente Thracem repulit, Occidenti que Nostro hostile exemit frenum, tandem non vulgaribus donis, pacem persuasimus, ut novo ad Nos federe concederet, leni otio & artibus Nos demulceret suis, lustraque poenæ integra Nostris Penatibus daret. Itaque, quod nemini insultantes, sed Divinum in Nos beneficium claris laudibus extollentes dicimus, Nobis, Vobisque luctuosum agonem Gentium, licet adhuc impunè specta-



spectare, & studia dare negareque certantibus, quasiq; minus de Divinâ justitiâ meriti simus, inter procellarum fluctus, & natantia vota Vicinorum, Pacis portum occupare. Quare cum istam Horizontis Poloni maliciâ, propitij Numinis munere Gentis Nostræ serenare fortunâ, certò apud Nos statueremus, à temporalis Pacis dulcedine, ad eam quâ Divinus spirat Amor, Pacem animorum internâ, quâ Summi Dei gloria, Animarum salus, Christianiquè Nominis decus continetur, cogitationem convertim⁹, parum Nos ejus quo fruimur beneficij, gratos fore arbitrati, nisi quantum Nostræ vires, & pius voti candor permittit, Cœlo pacem redderemus, quod Terras Nostras opinis fructibus fecundavit. Malè enim creditur, diuturna vitæ commoda & tranquillitatem illis inservire, qui ista non muniant præsidio intestinæ securitatis, & res miraculo proxima est ijs qui discordes ad cælum preces porrigunt, concordia fortunæ oracula respondere. Jam universo votum est, & omni clarius arcanum documento, cruenta Christianitatis odia quibus finem tutumve remedium humana prudentia excogitare nequit, non ex alio uberius fonte promanare, & incrementa in dies sumere, quàm ex Religionis dissensu, dum quod author Concordiæ Deus, pro Sanctissimo atque tenerissimo vinculo, animis mortalium dederat, id pater discordiæ Satan, in exquisitum, injuriæ, odij, & suspicionis abusum convertit. Et si enim multæ olim inter vicinos ultrò citroque bellorum causæ extiterint, illæ tamen plerumque breves, aut post longiorem luctam honestis terminatæ conditionibus: ista sola ex omnibus causa est, à quâ nunquam recedit



cedit timor cui numquam succedit fides, cui nullum par lu-  
crum, cui nulla digna commutatio, cui summa omnia sub-  
mittunt caput, dum diffidenti quisquē metu rem delicatis-  
simam tuetur, cui belli pericula, quam Pacis consilia iudicat  
esse tutiora. Quod fatale infortunium ut ex animis Nostro-  
rum Regnicolarum, Provinciarumq; Regno huic Unitarum,  
aliquando pellatur, utquē sententiæ hucusquē discordes, &  
disparia doctrinarum principia, in mutuam fidem & unio-  
nem sensus suaviter redigantur, Nos, quib; Populorum Di-  
vinâ dispositione Nobis creditorum, omni sui parte cōstans  
integritas in primis cordi esse debet; cū in Novembri  
proximē lapso, Synodi Provincialis Varsaviæ celebrandæ  
tempus appeteret, animorumque non armorum bellum sci-  
remus esse componendum, Pacis hoc resumendæ Ministeri-  
um Reverendissimis Dominis Episcopis, quibus Ecclesiæ  
gubernandæ munus, Spiritus Sanctus credidit, eo qui Re-  
gem Catholicū & Populi Sui felicitatem unicē amantem de-  
cet Affectu & Fide per Legatos Nostros exponi fecimus, pa-  
ratamquē in animis eorum, Sancti desiderij reperimus sege-  
tem, utpote quibus inter Pastoralis sollicitudinis capita, i-  
stud nō occurrit primum, sed recurrit perpetuum, ut & quæ  
à Partibus in depositi fidem acceperunt, integra servat, &  
quæ temporum horum statum cōcernunt, Nobis decora &  
commoda, & planiora Posteris, cultioraquē transmittant.  
Id exoptatur à Nobis, id agitur, ut dissectum dissonis opini-  
onibus Mysticum Christi Corpus, Unitati pristinæ restitua-  
tur, sævaque Religionum dissidia, quæ Vicinum undiquaq;  
cōburunt orbem Fraternæ Charitatis dulci remedio, & quæ  
ad istam



ad istam animos disponere possunt, medijs, placide sopi-  
antur. Quamvis autem nihil propè intentatum hucusque  
sit, quod non isti fini, anxia de Filiorum Salute, & Votorum  
poenè lassâ, Ecclesia adhibuerit, & Advocatis infelicis discor-  
diæ, superflua videri possit, Pietas hujus reconciliationis; in-  
defessus tamen & altioris spei potens Genius, Polonæ, sed  
multo magis Christianæ charitatis, Nobis istam svasit fidu-  
ciam, ut dubitare Nobis non liceret, quin corrigere possit  
infinita Dei bonitas, quod aliquando finiēda inimici curru-  
pit iniquitas. Eadem enim Nobis origo seminis est, cujus  
memoriam hucusq; in Christiani Nominis Sacramento con-  
servamus, Una Nos peperit olim Mater Ecclesia, Christi fæ-  
cunda Sangvine, Unâ Nos legis & instituti mēte, tot seculo-  
rum rexit Authoritas; sed diversæ educationis instituto, &  
ejus, qui à principio fratrum accusator fuit, artibus effectum  
est, ut in diversa abirent, & nomen discordiæ darent, quos  
in condordiæ subsidium primitivus amor genuerat. Ma-  
gnum Coeli Terræq; detrimentum, Nostro pariter Vestro-  
quē dolore, & Christi Summi Pastoris Ovium, miseratione  
dignissimum. Id Nos, quantum in Nobis est sarcire, id No-  
vâ Antiqui Fæderis redintegratione reparare cupim⁹, Divi-  
numquē imploramus auxilium, quod aurâ spei benigne vela  
Nostræ cogitationis impellit. Verum enim verò, cū tot  
cruditissimarum scriptionum, concionum, priva torumquē  
alloquiorum, angustum admodum, & imparem labori fru-  
ctum hætenus experti simus, morbus autem opinionum, in  
universum corpus longè sparsus sit, & particulari remedio  
nequeat persanari, tale Nobis, nisi actum vellemus agere, il-  
lud quæ-



Ind quærendum fuit, quod in omnes Regni Nostri Provin-  
cias Populosquè, vim salutis queat diffundere. Nihil autem  
insignius natura, ad celebrandum animorum commercium  
dedit mortalibus, quam sermonis munus, si ora oribus, vo-  
cesquè conferant vocibus, & si verba desint, tacita frontis  
oculorumquè lectione, veritatem affectuum, & sensuum fi-  
dem explorent. Cùm genus humanum Æternus Filius Pa-  
tri reconciliaturus esset, Verbum ad Nos in Carne venit :  
unde Nos magna & fausta ducit exempli autoritas, ut  
cùm inter Nostros & Vestros de reconciliatione Sententia-  
rum & Pace animorum agendum sit, colloquium inter Vos  
Amicum & Fraternaliter instituat. Cui negotio, ut quam  
brevissimis spatijs ad expeditum finem decurrat, ex consen-  
su Sacræ Synodi Varsoviensis R. R. D. D. Episcopi, è medio  
sui R. D. Georgium Tyſzkiewicz Episcopum Samogitiæ de-  
putarunt, Eumquè congressus istius à parte suâ Directorem  
constituerunt, delectis insuper duodecim Viris doctis, re-  
rum harum peritis, pijs & moderatis, laborisque patienti-  
bus, qui ad 10. Octobr: Styli Gregoriani anni hujus, Toruni-  
um in Prussiam Regalem (quod Conventui huic celebrando  
commodissimum judicavimus) congregati, Sin: & Fid.  
Vestras, numero, suffragijs & omni pares apparatu opperi-  
entur. Adjungemus Eisdem, pro consilij Nostri sententiâ,  
Viros ex Senatorio Ordine, ritus utriusquè præcipuæ in Re-  
gno Nostro autoritatis, qui actionum Testes sint, omni  
exceptione Majores, idquè agant & observent, ut placidis  
affectib9, & decenti morum modestiâ, sine aculeis, acrimo-  
niâ & irrit mentis ab utrinquè agatur. De reliquarum au-  
tem



tem numero personarum, quos laboriosa hæc functio, pro subsidio, aut supplemento requirit, dequè comitatu, salvo conductu, de immunitate Provinciarum & Privilegi-  
orum, cæterisque modis tuendæ publicæ privatæque se-  
curitatis, peculiare rescriptum, ex Cancellaria Nostrâ,  
Sin: & Fid: oportunè promulgari jubebimus. Prodit er-  
go jam ad Vos, Filij, Mater Ecclesia, multis onusta se-  
culis, atrocibus vexata injurijs, innumeris saucia vulne-  
ribus. Secula superat vivacitas, injurias condonat cha-  
ritas, vulnera sanat patientia. Solum dolorem ars nulla  
lenire potest, dum diminutâ prole, alterius lateris orbi-  
tatem mærens ostentat. Observat anxia ventos, fre-  
quentat littus, expectat redeuntes in Patriam, à longâ  
peregrinatione Filios, passisque obvia manibus, jam in  
prospectu cunctantes, ad lumina, ad oscula, ad Pacis hæ-  
reditatem, toto Vobis interceptam seculo, vocat. Eadem  
votorum Nostrorum summa est, quæ charitatis ad Vos  
oratio, quam Nos ardentibus & sinceris provehimus ad  
Vos suspirijs, quibus utinam aliquando pectora Vestra in-  
calescant! Jam supra seculum aliquid CHRISTO debetur.  
Et ne forte, tam illi, quorum maximè interest, quam  
Nos, à quorum publicæ curæ autoritate nequeunt sepa-  
rari, dum seculorum agentur rationes, in debiti istius ac-  
cusationem veniamus, ecce & illi, Pastorale fastigium ad  
libertatis æquilibrium, quantum illis licet, & Vobis expe-  
dit, demittunt, pandunt Vobis sinum in patientiâ proba-  
tæ Charitatis, portas Vobis & parietes referant, quos ca-  
paces plurimum, Majores Nostri crexerunt, Vos, si pati-

B

mini



mini nomen, ut Filios aut si fratres appellari mavultis, ut  
Fratres, ad salutaris & honorificæ reconciliationis consilia  
invitant; & Nos Regiam Nostram Dignitatem, cum man-  
suetudine Paternâ permiscentes, Sin. & Fid: Vestris ut Sub-  
ditis Nostris dilectis, fructum & ornamenta publicæ Pacis,  
& quicquid Nos habemus carum, & si quid Vos censetis  
speciosum, Regiâ manu offerimus. Denique promitti-  
mus verbo Regio, & protestamur coram Deo, Nos in pro-  
positi operis instituto, nihil magis intendere, nil conari,  
promovereque, quam ut Christus Regum Rex in Pace  
imperet, qui Nos in exoptatæ Pacis possessione collocavit;  
ut profligatâ omni dissensionum materiâ, animisque novo  
Amoris incremento fideliter sociatis, Unâ fide colatur,  
Unoque ore laudetur Deus, ut Vos in inclyto hoc Nostrò  
Regno, tam numerosis consiti Provincijs, unius Regis im-  
perio, unius fructu libertatis, tam multiplici carissimorum  
pignorum necessitudine devincti, non amplius pijs Majo-  
rum Vestrorum iniqui manibus, Vobis autem per omnia  
pares & æqui, perpetuâ florentes felicitate vigeatis. In-  
terim Sinceritates & Fidelitates Vestras benè valere cupi-  
mus. Datum Vilnæ, 20. Martij Anno Salutis 1644.

Vladislaus Rex.

Matthias



# MATTHIAS LVBIENSKI,

DEI ET APOSTOLICÆ SEDIS GRATIA,  
ARCHIEPISCOPUS GNESNEN-  
SIS, LEGATUS NATUS, REGNI POLONIÆ  
PRIMAS, PRIMUSQUE PRINCEPS CÆTERI-  
QUE REGNI, ET MAGNI LITHUANIÆ DU-  
CATUS EPISCOPI, VARSAVIÆ IN ST-  
NODO PROVINCIALI LEGITIME  
CONGREGATI.

*Illustrissimis, Illustribus, Magnificis, Nobilibus, Clarissimis,  
Spectabilibus & Eruditis Viris;*

Nec non

*Univerſis & ſingulis, cujuſcunq; Status & Ordinis tam ſecularibus quam  
Eccleſiaſticis, ab Eccleſia Catholica Romana diſſidentibus, in Regno  
Poloniæ & annexis Eidem Provincijs exiſtentibus, Salutem  
animarum, & omnem proſperitatem.*

Illustrissimi, Illustres, Magnifici, Generosi, Nobiles, Cla-  
rissimi, Spectabiles & Eruditi Viri.



Riste religionis diſſidium, quod hoc Re-  
gnum, annexasq; illi Provincias, uno jam ſæculo  
fatigat, non potuit Chriſtiani Fraternique amo-  
ris neceſſitudinem, quam Vobiſcum, tanquam unius Re-  
gni Cives, conſtitutam habemus, diſſolvere, neque Paſto-  
ralem de Vobis ſolicitudinē ex animis Noſtris, quos Spi-  
ritus Sanctus poſuit Episcopos, regere Eccleſiam Dei quā  
acquiſivit Sangvine ſuo, unquam eximere. Quā urgente  
in hac Sacra Provinciali Varſavienſi Synodo, de eo inpri-



mis deliberavim⁹, quomodo Vobis in Unius Religionis no-  
men doctrinæque normam concedendi quam accommo-  
datissimum & gratissimum remedium proponeremus. Igi-  
tur ubi hoc unum non inusitatum elegimus, Fraternam ni-  
mirum collationem seu Colloquium charitativum; visum  
est Vos Illustrissimi, Illustres, Magnifici, Generosi, Nobi-  
les, Spectabiles, Clarissimi, Eruditi, & Vestris titulis Ho-  
noratissimi, quicunq; in hoc inclyto Regno Poloniae, Eiq; unitis  
Provincijs communi jure legibus Politicis estis con-  
sentientes, sed doctrina Fidei dissentientes, ad illud Toru-  
nium, Regiam Civitatem, ad diem Decimam Octobris, in  
anno styli Gregoriani Millesimo Sexcentesimo Quadrage-  
simo quarto peramanter invitare. Neque vero necessari-  
um existimamus multis id Vobis svadere, quibus studium  
hoc Nostrum optime, ut speramus, interpretaturis, pro-  
pensa Nostra voluntas consiliumq; placebit, & præterea  
concordis religionis commoda non ignotis, discordis con-  
tra damna sunt manifesta. Illud unum profiteri polliceri-  
que Vobis suffecerit, initam à nobis augendi honoris DEI,  
juvandarum animarum, stabiliendæ pacis publicæ ratio-  
nem, nemini fore præjudiciosam, Vestrisque consuetudi-  
bus, immunitatibus, Privilegijs minime exitiosam. Aderunt  
in super opportune, quibus liber & tutus ultro citroque  
commeatus patebit, diplomata Serenissimi Regis & Domi-  
ni Nostri Clementissimi, qui ut bello Inclytus, ita pietatis  
laude Insignis in ætatum Posterorumque omnium me-  
moriâ ibit, quod armata in suum exitium potissimum  
ex causa



ex causa dissonæ religionis, belloq; ardente universa Chri-  
stianitate, Ille foris immota undique pace constituta, ad  
restituendam Regno Dominiq; suis Religionis tranquil-  
litatem, cum Ipse Regias curas flexit, tum Nos ad easdem  
agendas incitavit. Aderit etiam nomine Nostro ad præ-  
finitam diem locumque, Illustrissimus & Reverendissimus  
Dominus Georgius Tyszkiewicz Episcopus Samogitiæ, in-  
genij suavissimi & propagandi honoris Divini studiosis-  
simus, una cum duodecim alijs Viris doctrina modesti-  
a que conspicuis à Nobis destinatis; qui singulari animi  
mansuetudine, in Spiritu lenitatis, sine clamoris disputa-  
tionibus, prætermisissis aculeis, etiam qualibet offensione  
hos salutes Vobiscum habebunt sermones. Quod si  
Vos ( uti quidem obnixè rogamus ) tales quoque deli-  
gitis, qui candido Pacis que Ecclesiasticæ cupido animo  
huic interveniant colloquio, profecto quandoquidem  
Vobis in multis Fidei capitibus cum Ecclesia Catholica  
videtur convenire, ubi insuper certa pro certis utrinque  
statuentur, ambigua liquidabuntur, vere controversa Scri-  
pturarum & primitivæ Ecclesiæ, alijsq; testimonijs com-  
probabuntur, haud difficile erit, Catholicam veritatem  
omnibus, quibus ejus fulgor hætenus obscurari videba-  
tur, depulsis, & quam inania sint, quæ parti huic impu-  
tantur, liquido perspicere, pariterq; Vobis & cunctis ju-  
dicare, jure ne præsens secessio & olim facta sit, & nunc  
continuetur. Si unquam fuit resumendæ pacis Eccle-  
siasticæ tempus opportunius, hoc certe est, tot annorum



pace felicissimum: scilicet ut in hac placidissima temporalis felicitatis malacia, tranquillis animis omnes dispiciant, dulcedinem Pacis religionis, atque alteram ex altera quaerere & firmare condiscant. Utamini igitur hoc bono Illustrissimi, Illustres, Magnifici, Generosi, Nobiles, Clarissimi, Spectabiles, & Eruditi Viri, ut vota Nostra vertantur in gaudia non Poloniae modo & Septentrionis Nostri, sed Caeli Universi, sed Nationum omnium; apud quas pulchrum erit funestam religionis discordiam, alibi prius cepisse, hic prius desisse. Valete, acceptate, adeste in Domino. **Warsaviae in Synodo Provinciali, Duodecima Novembris, Anno Domini Millefissio Sexcentesimo quadragesimo Tertio.**

**Matthias Lubiencki,**

**ArchiEpiscopus Gnesnensis,**

**suo & totius Synodino nomine.**

**Sacræ**



*Sacra Regiæ Majestati Domino, Domino*

**VLADISLAV IV.**

**DEI GRATIA**

**REGI POLONIÆ, MAGNO DUCI LITHUANIÆ, RUSSIÆ, PRUSSIÆ, MAZOVIAE, SAMOGITIAE, LIVONIAE, SEVERIENSI, SMOLENSCENSI, CZERNIHOVIENSI.**

*Nec non*

**SVECORUM, GOTTHORUM, VANDALORUMQUE HEREDITARIO REGI.**

*Domino, Domino Nostro Clementissimo: Nomine Evangelicorum, ab Ecclesia Catholica Romana, in Regno Poloniae, & Magno Ducatu Lithuaniae Dissidentium, ex Colloquio Orlensi per Delegatos Ipsorum habito. Anno M. DC. XLIV.*

**Humillimi Responsi Libellus.**



Olesti procul dubio S. Majestati Tuæ effemus **IN VICTISSIME REX**, vel quod mavis & mereris **OPTIME PRINCEPS**, vel quod Tuæ Majestati maxime convenit, **MITISSIME** Populorum Tuorum **PATER VLADISLAE**, Domine Dñe Noster Clementissime, si ad Literas Majestatis Tuæ Vilmæ datas, quas à miseratione Gentium ob dissidia Religionis sub cladibus Belli pereuntium, incipere ad Nos Subditos Tuos voluisti, Responsonem Nostram à celebratione Virtutum, & Rerum per Te feliciter gestarum, more in alloquendis Regibus usitato, vellemus exordiri. Nempe humilia Majestati Tuæ videntur illa, quæ in Terras Tuas contulisti merita, & beneficia: Jam altius assurgis, & quanto pietatis



tatis pignore Cœlum ipsum obligare Tibi debeas, Augusta Tua  
mente, quæ Sola tantarum cogitationum est capax, circumversas.  
Ergo nec Victorias, nec sex immanissimis partas, nec Vitam per-  
tinacissimis donatam, nec Pacem cum præmio belli elatissimis ex-  
tortam Hostibus, commemorabimus; sed Tuæ bonitatis secuti  
Exemplū, ad acerbissimas Vicinorum Populorum calamitates, fe-  
riò sincereque ingemiscemus. Licet vero ad præsens, quo Euro-  
pa ardet, incendium, multæ per inter valla annorum causæ con-  
currerint; originem tamen, aut certè prætextum, à Religione i-  
gnem hunc traxisse, nemo est qui ignoret. Cum enim non ratio-  
ne, sed ferro; non divinis Scripturis, sed cruentis edictis, decer-  
neretur; cum non sanitas eorum, qui morbi arguebantur, sed in-  
teritio, quæreretur; cum alteri dare, alteri perdere nollent illam,  
quam Solius Dei imperio teneri Cæsarum & Regum optimi dixê-  
re, CONSCIENTIARUM LIBERTATEM; factum  
est, ut illos vincendi ardor, hos moriendi pro tali causa voluptas,  
in tam tristes rerum vicissitudines impulerit, ut mæstus & atto-  
nitus Cristianus Orbis timere incipiat, ne non cessantibus tanto-  
rum odiorum furoribus, mox desinant, tam qui vincere volunt,  
quam qui Victorum arbitria pati non possunt. Sed jam à retro-  
actis seculis Divina misericordia benigniora de Patria Nostra cogi-  
tavit consilia, dum Sacris Nostri Regibus Maternæ D. Parentis  
Tui Stirpis Auctoribus, tum & Populis Eorum imperio subiectis,  
eam inspiravit mentem, ut & domi Græcæ Ecclesiæ à Latina di-  
versitatem placidissime ferrent, & foris dura illa aversearentur Ex-  
empla, quæ in Vicinos, nullius in Deum blasphemiae aut contu-  
meliae, aut tactorum Christianismi fundamentorum reos, sed tan-  
tum Ecclesiæ emendationis cupidos (ut ex Catholicis illius & po-  
sterioris ævi Scripioribus accepimus) statuebantur: Et licet in gra-  
tiam alicujus rigidè aliquid sanxissent, nunquam id tamen Suo Re-  
gali brachio exsequi, vel erroris insimulatos in gremio Reipubl:  
quæri, & ad supplicia trahi permittebant. Notamus & id, quod  
eo maxime tempore tanto veritatis noscendæ studio exarserint,

ut Sa-



ut Sacrorum Bibliorum Codicem, ante in Lingva vernacula vix  
visum, Anno 1455. Patrio idiomate in usum Sacrae Reginae de-  
scripserint, postea, cum altero seculo totus ferè Mundus in exi-  
tium Eorum, qui (similem ob causam) ab Ecclesia Romana sese a-  
lienaverant, commoveretur; cum Oceano & Adriatico mari ad-  
jacentia Regna Concilij Tridentini, primum ex unius autoritate,  
agendi, postea stabiliendi, causa, funesta inter se foedera sanc-  
rent; sapientissimus Proavus Tuus SIGISMUNDUS I. &  
Filius Ejus SIGISMUNDUS AUGUSTUS R.R. cum  
prudentissimis Ordinibus non tantum illis nexibus Se Suosq; im-  
plicari noluerunt; sed potius cum viderent Sui, Suorumq; ab il-  
lo Concilio parvam rationem habere, temporibus illis ad asseren-  
dam Regum autoritatem, ad lustrandas à Crucigeris, hominum  
genere religiosissimo, suas ditiones, ad promulgandas Leges, bra-  
chio Sedis Romanae ingratas, sed Reipub. utiles, denique ad per-  
mittendam Conscientijs hominum in Religione Libertatem, usi  
sunt. Cum vero hæc Regum ac Majorum Nostrorum Providentia,  
ac Moderatio non satis æquis judicijs traduceretur, adeò Ordines  
Reip. illa judicia non extimuerunt, ut ultimo Jagellone extincto  
cum Reipub. liberrimam de Statu suo statuendi haberet potesta-  
tem, nec aliud Tegumen (vel patrio nostro sermone Kaptur) sa-  
lutis & libertatis Universorum, quam illam Sanctam, & omnibus  
vicinis invidendam PACIS ET TRANQUILLITATIS  
DISIDENTIUM IN RELIGIONE CHRISTI-  
ANA CONFOEDERATIONEM condiderint, ac  
Reges Suos nō alio Annulo, quā, cui illa inscriberetur, despon-  
sari sibi voluerint; immò ne ulla potestas supra Reges sese attollens  
tam grande solveret Sacramentum, meministi REX INVI-  
CTISSIME, quibus verbis (verba enim illa proculdubio, nō in  
solo Legum Codice, sed in Regio Corde Tuo Divino digito in-  
sculpta manserunt) in fine Regij juramenti prospexerint. Quo  
unico remedio, non armis, non seditione, non post tristitia virium  
experimenta, sed ante omnem diffidij aleam sponte inter se consti-



tuto, non tantum PATRIÆ, tam vasta Terrarum spacia, tam  
diversas Nationes, Lingvas, Leges, Mores, Ritus, Magistratus  
complectentis, orbitatem sub Interregnis ab omni vi externa tu-  
tam & securam, sed etiam Univerforum Libertatem & Tranquil-  
litatem domi inconcussam retinuerunt: & quod inter arcana Po-  
litica censeferi potest, Religionem Romanā, ac Ecclesiasticā Digni-  
tatem & Eminentiam, quæ nunc alibi sub onere Victoriarum Ca-  
tholicarum ægrè spirat, conservarunt; & non quærendi, sed ex  
Suorum Regum sanguine, qui subditos Religione dissidentes,  
sed Fide & obsequio, concordēs & pares, paterno affectu com-  
plexi sunt, Principem vacantibus Sceptris sumendi, genium &  
consuetudinem liberrimæ Genti instillaverunt. Hæ Polonorum  
& Lithuanorum fuerunt artes, hæ Majorum Tuorum virtutes,  
quibus per integrum seculum Religiosi belli facem à finibus suis  
arcuerunt. In quas cum Majestas Tua liberis dissidentium  
Religionum suffragiis successisset, parum duxit eas potenter ma-  
nu tenuisse: (quæ maxima est felicissimi Tui decennij gloria)  
sed insuper diversos de Sacris sensus conciliare & ad posterita-  
tem Fidei & Ecclesiæ Vnitatem transmittere, instituit. Ma-  
gnū opus, & non modo dignitate, sed Divinitate Regum,  
quam Vobis vox Dei communicat dignum. Sed providen-  
dum Domine Noster Clementissime, ne inde maximas difficul-  
tates experiaris, unde minime expectas. Cui enim est ignotum,  
alterā partem, cum alios nō tantum emendare, sed etiam judicare  
velit, se ipsam ad ullum æquilibrium demittere nolle? Tales quo-  
modo ad justam & legitimam Conciliationem permoveris?  
Conciliatores tanti operis Majestas Tua proponit, Reveren-  
dissimos & Illusterrimos Regni & Magni Ducatus Præsules,  
Viros in Patria summos, meritis amplissimos: Sed an illis ju-  
ramentum Sedi Romanæ præstitum, in quo nec Tui, nec Patriæ,  
nec Legum Reipubl. ullam legimus mentionem, impedimento  
ad Colloquium Liberum non sit futurum, iudicio Majestatis  
Tuae subijcimus. Insuper Præsidentem Conventus Majestas Tua  
nomi-



nominat Virum Illustrissimum & nō minus Episcopali, Senato-  
riaque dignitate, quam probitate morum conspicuum: sed  
quamvis alteri parti alter concederetur Præses (quod unice in  
ejusmodi congressibus requiritur) quis tertius discordiam eo-  
rum compositurus esset, & præsertim si ad Colloquium, posi-  
ta certa decernendi de Controversijs Regula, per Theologos  
utriusque partis descenderetur. Nec latet Majestatem Tuam  
Regiam, quanti minora Ordinum & Subditorum Tuorum de-  
sideria, & postulata Romæ quandoque fuerint habita. O-  
ptime quoque novit, de ulla etiam minima re, sive decimas, si-  
ve præscriptiones, sive commutationes concernente, Illustris-  
simum ArchiEpiscopum Gnesnensem, licet Legatum Natum, &  
Primatē Regni, cum universo Illustrissimorū Episcoporū Col-  
legio, nullas conventiones, ne quidem cum Catholicis personis,  
& cum utilitate Ecclesiæ conjunctas, libera auctoritate inire  
posse: Immo (quod non invidia, sed necessitatis causa scri-  
bi à Nobis, coram Deo protestamur) gratitudinem, quam Tibi  
obvijs ulnis tota nuper obtulit Respub., inconsulta Sede Ro-  
mana, de proprijs suis redditibus, qui alioquin in liberrima uni-  
us cujusque Ecclesiastici sunt dispensatione, æqualiter cum  
Concivibus suis concedere non potuisse: quamvis credamus  
illos, ne vitæ quidem, & sanguini suo, pro Tua Majestate,  
parsuros. Nec id adhuc oblivione sepultum, quod Scholas,  
Ingenia, Typographias, Fora domestica, & externa, Comitia,  
Interregnum fatigavit: nempe Academia Cracoviensis, tot  
Legibus & Privilegijs munitæ, Libertatem & Pacem, tandem  
non domi, sed Romæ, tum ab Academicis exorandam, tum Au-  
toritate Tua, Illustrisssimique Legati Tui prudentia, vindican-  
dam fuisse. Taceri denique non debet, quod Annales nostri  
loquuntur, quale Responsum ex ore Legati Romani, Regiæ au-  
res Abavi tui, D. CASIMIRI, ob dignitatem Ecclesiasticam,  
præter mentem Summi Pontificis à Rege collatam, audiverint.  
Hæc & alia, quæ brevitatis causa omittimus, quantula sunt, si



cum proposito conciliandæ Religionis, in qua de Capite & Summa rerum necessario tractandum esset, conferantur? Proinde num alius ex congressu partium prælagiri possit eventus, quam quod aut ipsi Conciliatores, irreconciliabilem Sedem Romanam deinceps essent habituri, aut omnia quæ ab ipsis acta ac transacta fuerint ad unius Bullæ promulgationem evanescerent? Si enim Tridentina Synodus non ausa est quicquam sine consensu Sedis Romanæ statuere, quomodo Thorunienſe Colloquium, sine illo vel hiscere auderet? Dixerit ergo aliquis: Nos Subditos Majestatis Tuæ, Evangelicam Religionem professos, Sanctis Tuis conatibus per ejusmodi terrores obicem ponere, ut Nos à reddenda in publico Fidei Nostræ ratione subducamus? Ista quidem invitatio, quæ Literas Majestatis Tuæ antecessit, illa præsertim, cui Vilnæ etiam ignominia addita est, & contumelioso, jugulumque Libertatis nostræ petente Libello confirmata, ita à Consuetudinibus Patriæ, Gentisque nostræ Libera Moribus procul abiit, ut Nobis justissimam excusationis dare potuisset causam: Sed avertat Rex Regum, DEUS, ut hoc in subterfugiū vertamus: Imò per Eum, & per Ejus gloriam, ad quam & Hominem condidit, & Reges in Solijs collocavit, Te Rex Clementissime oramus & obsecramus, ut propositum hoc Tuum ad Solos quidem Subditos Tuos ex Sacro ore Tuo emissum, sed jam universæ Europæ auribus exceptum, magno & constanti animo prosequaris. Memento Te illi Septentrioni regnare, in quo nō minus Libertas quam Magnanimitas, fœcundum Heroicorum exemplorum nidum à seculis posuere. Expectabat Terrarum Orbis, unde alterum Regni Tui decennium exorsurus esses: Nunc jam audit, & assurgit Pietati & Magnanimitati Tuæ, intentus quo evasura sunt ista, quæ mente præcepisti. Voluit simile Colloquium ante octuaginta sex annos **D. SIGISMUNDUS AUGUSTUS**, prompti erant ad comparandum Majores Nostri: sed cur alterius partis autoritate diffutum id fuerit, scri-



rit, scripta illo tempore edita loquuntur. At quid impedit iterum id aggredi? Tuæ fortassis Majestati, Tuisque temporibus utramque partem miserabiliter, ut ipse mones, attritam, ad consilia Pacis moventibus, hanc fata reservarunt gloriam. Tibi ipsa Natalium Tuorum semina suggerunt hanc mentem, ut exemplo Avi & Proavi Paterni, laudatissimorum Regum Sveciæ; Exemplo præterea Jagellonidarum, & fortissimi STEPHANI ac Genitoris Tui Optimi & Religiosissimi Principis D. SIGISMUNDI III. Regum: Insuper in augustissima Materna domo Tua, exemplo CAROLI V. FERDINANDI MAXIMILIANI RUDOLPHI. Cæsarium, sub quibus Reformatio Religionis partim propagata, partim conservata est, non sis adversarius causæ, quæ apud Te diversimode accusatur. Tibi denique Virtutes & actiones Tuæ, apud utramque partem, rectitudinis & integritatis in hoc difficillimo negotio fiduciam facient, quod & suæ Catholicæ Religionis ubique satisfeceris, & in diversam, nec in acie, nec in foro, gladium Tuum vaginâ eduxeris. Ibimus ergo, Rex Serenissime, quando Nos Pietatis Tuæ auspiciis vocaveris. Sed ibimus in conspectum Majestatis Tuæ. Cum enim videamus nihil per duodecim Theologos, imò nec per Episcopos, ob supra scriptas rationes, de hac causa, in qua Reformatio Ecclesiæ (sine qua Conciliatio Religionum nulla) tangenda esset, libere dici posse: propterea Regis, non per hominis, sed per Dei gratiam constituti & regnantis, præsentiam imploramus. Illuc cum Illustrissimi Episcopi, & Venerabiles Theologi, liberas & omni metu solutas Conscientias attulerint, & ad Solius Sacræ Scripturæ Regulam, ac primæ Apostolicæ, Apostolicorumque Discipulorum, & sequentium trium seculorum Ecclesiæ Mores & Instituta, & juxta quatuor Oecumenica Concilia, Sequæ Nosque, examinari voluerint, coram Tua Majestate, tanquam Unctio Dei, salvis illis, in quibus nati sumus Libertatibus, causæ Nostræ à principio Reformationis



nunquam celatæ, aut in tenebris absconditæ, sed semper & ubique in lucem, ac potissimum in conspectum Divorum Antecessorum Tuorum productæ, bonitatem, & Majorum Nostrorum, qui ab Ecclesia Romana secesserunt, innocentiam, opi Divinæ fidentes, probaturi sumus. Ut autem vis & fructus salutaris Tui propositi, in Ditionum Tuarum omnes Subditos, ac in vicinas Regiones tali remedio potissimum egentes, sese effundat; humiliter à Majestate Tua petimus, ut tanti negotij, sub oculis Majestatis Regiæ tractationem ad proximum Ver aut Æstatem differre dignetur. Ita & Illustrissimo Regni Primati, Illustrissimisque Episcopis, extraneorum Episcoporum & Theologorum in hac communi causa, Consilia & Sententias explorandi, & Nobis, quantulacunque Subditorum Tuorum parti, cum exteris Ecclesijs eadem Religione junctis communicandi, & earum Theologos ad spectandam Virtutis & Pietatis Tux Magnitudinem, salvo Conductu Regio (Civibus enim & Indigenis Reipublicæ præsidio Legum satis prospectum est) evocandi: denique sese ad conventum præparandi, & sistendi, tempus concedetur. His positis, quandoquidem Majestati Tux Regiæ, solius Dei gloriæ amplificatio scopus est, magnam spem de Misericordia DEI concipimus, Illum, secundum rectitudinem Cordis Tui Regij, & candorem Illustrissimorum Episcoporum, omnia largiturum, & Tuam Majestatem, Ordinesque Reipubl. in emendanda per Majestatis Tux ditiones Ecclesia, Legitimaque & primævis Christianitatis temporibus consentanea Hierarchiâ constituendâ, pro exemplo Orbi terrarum, virtute sua ex Alto adjuturum. Sed ne quisquam suspicetur (licet id crassissimæ esset suspicionis) Nos ideo præsentiam Majestatis Tux exorare, ut si forte propter gravissima Reipubl. negocia præsens esse non possit, lucem & conspectum hominum hoc prætextu evitemus: Ideo amplius adhuc Fascibus Clementiæ Tux Regiæ, Nos Nostramque fiduciam humillimè substernentes, declaramus, licet accerbis-



bisimum Nobis liberis hominibus sit futurum, non coram Rege, sed coram Præsilibus, Rationem Religionis reddere, & periculose sinistrarum vel ambiguarum delationum aut relationum aleæ, Nos Nostraque spontè committere, Nos ne id quidem refugituros: His tamen justissimis requisitis prius à Majestate Tua suppliciter exoratis. Primo, ut alteri Præsidi ex Nostra parte suffragijs Nostris electo, par à Majestate Tua detur potestas. Alterum, ut non solum viva voce, cujus magnam vim agnoscimus, sed etiam scriptis, in quibus est efficacissimum contra temere negantes vel affirmantes, vel aliorum sese verentes, remedium & testimonium, omnia ea, quæ dicentur, parti à parte in Colloquio exhibeantur. Tertio, ut prorogatione temporis, prout supra petijmus, clementer concessa, mensura quoque ejusdem Colloquij brevi aliquo temporis spacio determinetur: Nostram enim tenuitatem imparem esse aliorum abundantiae fatemur. Quarto, ne sibi quisquam aliquid in Nos statuendi aut decernendi potestatem usurpet. Denique post quemcunque Colloquij eventum, ut Nobis æquè ac alteri parti liceat Acta Colloquij, publicare, sine ullo in Autores, in Scripta, in Typographos, & Bibliopolas, Legentesque, poenarum metu. Verum enimvero, si tam justa & paritati Colloquiorum debita, Nobis denegabuntur; aut si per promulgationem Charitativi Colloquij, non Libertas & Pax Ecclesiæ, nec Abusuum Emendatio, nec Gloriæ Divinæ, sed Autoritatis humanæ Vindicatio, queritur; Id certè nihil aliud foret, quam si vocaremur, ut in hac reorum, per Confessionē, Nostros, Majorumque Nostrorum errores ac delicta expiarem, & portam Romanæ Ecclesiæ, quæ ut exeuntibus, ita redeuntibus spontè patet, referari nobis possemus. Quod quidē Nos de Tuæ Majestatis bonitate opinari nō fas ducimus: sed multis experimentis contra Nos causamque Nostram ex levisima occasione præsumi, edocti; ab adversa fortuna veremur. Hic ergo figimus pedem, & Libertatem Nostram in humilitatem, Jura, in preces, Usus  
& con-



& Consuetudinem Immunitatum in supplicationem vertentes, Majestatem Tuam Regiam, ad genua Ejus provoluti, obsecramus. Primo, ut ponat Sibi ob oculos, quam sæpe non latata sit Patria Nostra, ex illa Orientalium rituum Ecclesiæ, plerisque invitis, reductione. Deinde, ut postulet à Nobis vitam, sanguinem, & quicquid ab honestis & in Libertate natis hominibus postulari potest, id alacriter pari cum Romano-Catholicis Fratribus Nostri fide, virtute & exemplo (prout id semper & ubique à Nobis, Majoribusque Nostri præstitum est) pro Majestate Tua, & pro salute Libertateq; Patriæ, profundemus. Hoc vero Majestas Tua de Nobis nunquam à quoquam persuaderi Sibi patiatur, ut vel vitæ pretio contra Conscientiam & cognitam Veritatem, quidquam admittamus, vel paciscamur. Nemo Nos hinc apud Majestatem Tuam pertinaciæ, aut ingritudinis accuset, ac si Paternum Majestatis Tuæ affectum Nobis liberalissimè in Literis declaratum, aspernemur. Qui Nos enim sumus, ut tanti Regis amorem & benevolentiam humiliter non veneremur? At prospicimus, si ejusmodi quale supra petijmus, & quale olim tempore Majorum Nostrorum à Concilio Tridentino non est obtentum, Liberum Nationale Concilium, agi non potest, magis expedire, non Nobis solum, sed & Reipublicæ, ut hanc quam Regia Majestas suscepit paterna sollicitudine curam, vertat ad avertendas oppressiones, gravamina & præjudicia, quæ passim Subditis Majestatis Tuæ, juris prætextu, Religionis causa, inferuntur; & ad conservandam, & manutenendum illam Pacem, ac Tranquillitatem, quam Sacro Regio Juramento, sponpondit. Si quæ solatia & ornamenta communis in se Patria Nostra complectitur, ea ex Lege aureæ æqualitatis quisque pro meritis suis à Justitia & Clementia Tuæ Majestatis, cor Regis D E O inflectente, expectabit. Si vero quid adversi (quod sub justissimo Tuo Imperio non metuimus) imminebit; Nobis tamen pretiosius erit, in domo Luctus, cum bona Conscientia versari, quam in domum



domum gaudij cum pudore & extremi Judicij metu commigra-  
re.

Hæc Serenissime & Potentissime Rex, Domine Dñe  
Noster Clementissime, ad Literas Majestatis Tuæ, Nos Subdi-  
ti Tui, hic Orlæ necessario ad communicationem sententiarum,  
sine qua, nec Majestati Tuæ, nec Illustrissimo Senatui Eccle-  
siastico, responderi potuit, ex Ordinarijs Trium Provinciarum  
Synodis Evangelicis Deputati, humillimè respondemus; Ac  
Nos, Salutem, Libertatemq; Nostram Majestatis Tuæ Clemen-  
tiæ & Protectioni commendamus: Regem Regum precati, ut  
plurimis Imperio Tuo additis annis, dotes illas, quas in Maje-  
statem Tuam contulit, ad illustrandam gloriam & Veritatem  
suam Cælestem, & ad terrendos Majestatis Tuæ & Patriæ No-  
stræ hostes, adeoque ad amplificandam Universi Orbis felici-  
tatem, convertat. In quorum omnium fidem humillimas  
istas Literas, Nobis consentientibus & committentibus sub-  
scribit.

*Sacra ac Serenissime Majestatis Vestre  
fidelissimus Subditus.*

*&*

*humillimus servus*

**Januszius Radziwill,**

**Director Conventus.**



JLLUSTRISSIME ET REVEREN-  
DISSIME ARCHIEPISCOPE GNESNEN-  
SIS, REGNI PRIMAS, PRIMEQUE

PRINCEPS, CÆTERIQUE

*Illustissimi & Reverendissimi Regni & Magni Duca-  
tus Lithuanie Episcopi, Domini & Amici ac Fratres  
Nostri observandissimi.*

**P**osteaquam rumor de Colloquio in causa Religionis in-  
ter Disidentes, ex sententia Synodi Varsaviensis Año  
præterito celebratæ, incundo, per Poloniam, Lithuani-  
amq; spargi cæpit, cum omnium hominum animos novitate rei  
tautos reddidit, tum in Evangelicis (prout illi, quib⁹ aliquid do-  
let, in spem & metum prompti esse solent) spem geminam excita-  
vit. Aut tempus sub altero felicissimi VLADISLAVIANI imperij  
decennio imminere, quo iterum Deus ampliorem viam in Patria  
Nostra, aperire velit illi Cælesti Sui Veritati, ad cujus inermem  
sonitum tot Reges & Regna, tot Principes & Ditiones, tot Epi-  
scopi & Ecclesiæ olim steterunt, & soli DEO sponte dederunt  
gloriam, quod ullis armis, aut exercitiis, aut cædibus, ad Reli-  
gionem compelli invitos potuisse, nulla unquam ætas memora-  
vit: Aut saltem illud venisse tempus, quo Prudentissimus Se-  
natus Ecclesiasticus, ad Sacra Juramenta Regum, ad Generales  
Confirmationes Jurium, & ad Unanimes Ordinum Confæderationes  
respiciens, cogitet & meditetur, eas à neglectu vel senio,  
quod contraxisse videntur, vindicare, & in Evangelicis, toto  
hoc seculo nullo jure fatigatæ Patriæ reos, diversis potius pati-  
entia experimentis fatigatos, abundantiora Paterni & Fraternali  
affectus sui, testimonia effundere, placidioremq; rebus Eorum  
concedere temperiem. Sed cum jam ipsa Invitatio, nomine Il-  
lustrissimarum & Reverendiss. Dñtionum Vestrarum scripta  
in lucem prodiret, illicò ipsa ejusdem, præsertim illa quæ Vilnæ  
facta est, publicatio, spes Nostras labefactare, & pro illis hanc  
cogitationem pectoribus Nostreis incutere cæpit, ne forte eò res  
dedu-



deducatur, ut Conſcientiarum Libertate exuti, ad Eccleſiam, cui Majores Noſtri juſtiſſimas ob cauſas renuntiarunt, quoquo modo retrahamur. Nā cum Illuſtriſſ. & Reverendiſſ. Dominationes Veſtrę æqua judicij lance negotium id expendierint, animadvertēt, in Patria Noſtra, ad Literas, ſolā Authoritate Senatus Eccleſiaſtici emiſſas, in cauſa Religionis comparere, rem ſatis per ſe eſſe novam, & præjudicio non vacuam, ideo ſaltem molliori, moribusq; Libertatis convenientiori modo, Nobis intimandam fuiſſe, judicabunt. Accedit, quod ex ejusmodi Invitatione, tam pius in reducendis Nobis ad Eccleſiam Romanā in quorundam animis exarſerit zelus, ut talem contra Nos, Vitamq; Libertatem, & Securitatem Noſtram, niſi Nos reduci pateremur, ſub clypeo Authoritatis Vilnæ evulgārint Libellum, qualem nō ab hominibus in Patrijs Legibus perfunctoriē (quod etiam in bonis tolerandum quandoq; eſt) verſatis, ſed Patriarum Legum prorfus inimicis, proficiſci debuit. Summam ergo equitatem & integritatem Veſtram, Illuſtriſſimi & Reverendiſſ. Patrię Noſtrę Antiſtites, appellamus, an potuerit Nobis aliatum mens eſſe, quam quæ liberis & pari Vobiſcum ſangvine crebris hominibus eſſe debuit, ut nimirum aut taceremus ad Literas, aut denegaremus Noſtri præſentianę. Sed provida Sacrę Regię Majestatis, Dñi Noſtri Clementiſſimi, Pietas & Sollicitudo in remedium ejusmodi doloris & contemptus Noſtri ſubſequuta eſt, cujus Literas Regias Vilnę Menſe Martio ſcriptas, & poſtea typis vulgatas, cum alij Noſtrum præterito Menſe Junio, alij ſubſequenti Julio, naſci eſſent, nec æquum, nec amori & obſequio Noſtro in Patrem Patrię Noſtrę contentaneum eſſe duximus, ſi coram Sua Majeſtate Fidei & Religionis Noſtrę rationem reddere hac occaſione recuſaremus. Communicatis igitur, quantum anguſtia temporis ferebat, non quantum rei magnitudo poſtulabat, inter Nos ſententijs, ad diem D. Bartholomæo ſacram, ex Majori Minorique Polonia, & Mag. Lithu. Ducatu huc Orlam cōvenimus; ut tum Regi, Dño Noſtro Clementiſſimo,



mo, tum Vobis Amplissimi Præsules, Unanime à nobis daretur Responsum. Cum vero Regiæ Majestati omnes Nostras rationes plenissimè ( prout ex adjuncto Literarum exemplari pater ) exposuerimus, idcirco Illustrissimis DD. Vestris satis in iisdem Nos respondisse arbitrati, Eas prolixitate seorsivi Responsi non onerabimus : Sed per omnia, tam Universæ Christianitatis, quam Patriæ, quæ Vestram Nostramq; complectitur salutem, sacra ; & per illa magnæ functionis Vestræ Nomina, in Sacris Scripturis radiantia, oram⁹ & obtestamur, ut post gloriam Dei, Pacem, & Tranquillitatem, & Libertatem Patriæ, more Majorum, conservetis, & tueamini; alienissimumque à Sancta Vestra Functione statuaris, de eorum præjudicijs cogitationes & Consilia suscipere, qui pari Vobiscum fide & integritate, Vestris inoffensis Dignitatibus, pro Regibus & pro Republica ubique steterunt. Hoc quoque peculiariter à Vobis Illustrissimi & Reverendissimi Domini, obnixè petimus, ut illa gravamina, quæ jam in Judicijs publicis in causa Religionis in exemplum abiierunt, ea qua possunt Authoritate coercere; & in Urbe Vilenſi (ubi novos vexandorum Evangelicorum queri & feri prætextus, hic Orle certiores facti sumus ) turbas & violentias Pietate & Consilio suo antevertere & inhibere velint. Sic Nos in honore & observantia Dignitatis Vestræ, sic in studijs & obsequijs, quæ nique à Nobis Ordini Vestro reddi possunt magis ac magis perseverabimus. Sic Vobis Patria & Posteritas laudem conservatæ Pacis publicæ debebit. Sic nomini Vestro exteræ Gentes assurgent, & felicitis Prudentiæ Vestræ exempla, si non imitari, certe in tacito pectore admirari & venerari, cogentur. Sic totus Terrarum Orbis fatebitur, Religiosa Bella alibi ante duo sæcula exorta, non desisse : apud Nos ne incipere quidem potuisse. Vale Illustrissime ac Reverendissime Primas, Regniq; Prime Princeps, cum universo Illustrissimorum Episcoporum Collegio. Datum Orle 3 Septembris Anno 1644.

*Illustrissimorum ac Reverendissimorum DD. Vestrarum*

*Amici & Fratres ad Officijs & Servitijs  
paratissimi*

*Evangelici ex Tribus Regni & M. D. L. Episcopij in  
Conventu Orleſi congregati, quorum nomine subscribit*

**Januszius Radziwill.**





m.,  
ad-  
DD,  
Re-  
uam  
ma-  
ob-  
a Pa-  
a Ve-  
fufci-  
ibus,  
ariter  
gra-  
abie-  
novos  
es fa-  
inhi-  
fic in  
magis  
lerva-  
nt, &  
ore ad-  
eligio-  
ncipe-  
rimas,  
porum

urum

s in  
to-

II.

Biblioteka Jagiellońska



stdr0025916



